

Aron karekean te mwane ni kabuanibwai aio (request):

E kainanoaki ana reta te botaki (community ke botaki n Aro) nakon Tia Koroboki n ana Aobiti te Beretitenti. Inanon te reta n bubuti ao aikai bwaai aika kakawaki bwa ana karinaki:

- i. Aran te bootaki (Name of Community/ Group or Organization),
- ii. Aran te Abamwakoro ao nen te kari-kirake e.g te kaawa
- iii. Mwaitia aomata community are rootaki
- iv. Kabwaranbwaran te kanganga are a rootaki iai.
- v. Te buoka/karikirake are kainanoaki.
- vi. Mwaitin bwai ni mwakuri ke buoka aika a kainanoaki ngkana e ataaki (e.g mwaitin te timanti, etc)

Ibukia ake iaon aba, kam kona n kariniami reta n aobitin te Kauntira ibukin karokoana n ana Aobiti Te Beretitenti.

Ake iaon Tarawa Teinainano ma Betio, kam kona n nikiri ami reta n ana Aobiti Te Beretitenti.



Ana Aobiti Te Beretitenti
P.O.Box 68,
Bairiki,
Tarawa.

Phone: 21183
Fax: 21902

Email: mfoon@ob.gov.ki



ANA AOBITI TE BERETITENTI

Kainibaire ibukin te mwane ni buoka n taai ni Kabuanibwai

Disaster Fund Guidelines



Te Disaster Fund ke te mwane ni buoka n taai ni kabuanibwai bon buokan te botannaomata ao ara tautaeka n tobwaa aron kanganga nako ake a kona n reke nte tai teuana ma teuana.

Te mwane aio e bon tararuaki aron kabonganana iroun te Tia Koroboki n ana Aobiti Te Beretitenti ao ni buokaki iroun te komete ae te Disaster Fund Committee.

Te beba ni kaongora aio e kabwarabwara kanoan te kainibaire are e bwainaki ngkai ibukin kabonganaan te mwane n buoka aio.

Disaster Fund Project

Tel: 21183

1. Antai ae kona n reke irouna te mwane ni buoka ae te disaster fund?

E kona n reke te ibuobuoki ma te mwane ni kabuanibwai nakoia:

- ◆ Bootaki n Aro ao ni kaawa n abamwakoron nako Kiribati. (Community ke bootaki ake aki kee iaan 15 n auti kaina)
- ◆ Botaki ake aki tauaki mwii iroun te tautaeke ke NGO's
- ◆ Kauntira n abamwakoro
- ◆ Ao ai ana rabwata nako te tautaeke.

2. Aekan bubuti (requests) ake a kona ni mwanenaki:

- Wakinan te katauraoi ibukin totokoan kabuanibwai ao waaki n ibuobuoki imwin reken te kabuanibwai (Mitigation, preparedness, response and recovery from a disaster)
- Karekean ao kaokan aron tietewi aika a kainanoaki (basic social services) n aron te ran, mwakuri ni kuakua, karekean te rau ao te mweranoi inanon tain ao imwin te kabuanibwai
- Karikirake aika irekereke ma kanakoroan ao karokoan buoka n taabo ake a kainanoaki iai. (onobwai nakon kawai ma kotuei)
- Buoakan ana karikirake te tautaeke ibukin kamanoan ana bwai te botanaoamta.

Katoto tabeua iaon aekan karikirake aika a kona ni mwanenaki:

- Katean te bono ao onobwai nakon kotuei.
- Karekean tangke n ran ke bwaibu n ran
- Karaoan kotuei.
- Mwane ni buoka ibukin autin Aro ma te kauntira ake a bwaka imwin te ang ma te nao.
- Karokoan kako n taabo ake a tare iai.
- Ao tabeua riki ake a irekereke ma kabuanibwai.

3. Tera taben te Botaki/Community ae kaka-waki bwa ena ataia nte kainibaire aio?

- ◆ E na karekea ao n tararuai tabo ibukin kawakinakin bwain ni mwakuri.
- ◆ E na kaitarai kabane mwane ni kaineti ma te aba ngkana iai ao bwai riki tabeua ake ai rekereke ma taian tia ababa are e na kona n tuka aron te karikirake (eg. Te kabomwi ibukin Korean taian nii, etc.)
- ◆ Bon Taben naba te COMMUNITY karekeai taan mwakuri n akea booia. (voluntary labor)
- ◆ E na kareka te riburibu, te atama, te atibu ao te tano n akea booia; (ibukin te bono)
- ◆ E na karekea ana aomata ae ena kona n reitanako kairan te mwakuri ni karokoa tian te karikirake ngkana e kainanoaki.
- ◆ E na kona ni uotarake te riboti iaon te mwakuri nikotaki ma te supervisor ngkana e riai ibukin kanakoroan te mwakuri.
- ◆ Taben te Community bwa ena karaoa te karikirake man te tai are waaki iai n karokoa

Tera aron bairean kabomwi nakon ana bwai te botanaomata ake a uruaki man te korakoran te ang ao te nao?

Bubuti ibukin kabomwi nakon auti (autin te Aro ao te kaawa), mwaneaba, Umwantabu, auti n reirei ana rinanoaki ngkana a roko inanon bain te tautaeke ti ngkana a riki man angibuaka ao iabuti aika ake a kakoauaaki man te Aobiti ibukin tauan kanoan boong (MET):

- ◆ Ibukin te Ang- e nanonaki te ang ae raka birina iaon 25 knots ao iai te kauring ae kanakoaki man te MET
- ◆ Ibukin te iabuti- Te iabuti ae roko n 2.8 ke ena iai te katanoata ibukin utin taari ma naao man te MET.

Buokan uruaki ena aki raka iaon te mwaiti aikai:

- ◆ Maneaba- \$20,000.
- ◆ Te Umwantabu- \$50,000.
- ◆ Ana auti te Minita ke te Mitinare- \$20,000.

Bubuti ibukin ana auti te tautaeke ma kauntira iaon aba ake aki bwaka iaan uruaki man te ang ao te nao ae mwaneweaki ieta ana bon ira aron kawain kabomwi ma mwanenakin karikirake ake inanon ana rabwata te tautaeke n aron te MIA (Maintenance fund)

N te tai aio ao e tuai kona moa te tautaeke n buoki uruaki nakon aia auti aomata n tatabemania nakon n aron ae kabwarabwaraki I eta ikai.